

PAASISSUTISSIISST NAKORSAATIT PUUANNUT ILANNGUSSAQ

nicorette® tamuasarissat 2mg aamma 4mg

Nikotin

Nakorsaatigalugit tygegummitut tamuasassat nikotin-itallit assigiinngitsunik mamassusillit makku pineqarsinnaapput:
Nicorette® Classic
Nicorette® Freshmint
Nicorette® Fruitmint
Nicorette® Whitemint

Paasissutissiissut una pingaarutilinnik imalik peqqissaartumik atuaruk.

Nicorette tamuasassat paasissutissiissummi nassuiaatigineqarnerat imal. nakorsap, nakorsaatilerisut peqqinnissakkulluunniit sullissisut allat innersuussutaat maleruaqqissaassavatit.

- Paasissutissiissut kingorna atorfissaqartilerninnaagakku toqqussavat.
- Allalik apequtissaqaruit nakorsaatilerisumut apeqquilliigit.
- Kingunerluuteqalissaguit- matumani taaneqanngitsunissaq nakorsaq attavigiuk.
- Iluaqutaanngippata ajornerulersippataluunniit nakorsamut attaveqarit

Paasissutissiissutit nutartertuagaapput. Nicorette tamuasarissat pillugit paasissutissiissut nutarterlaaq nittartakkami www.indlaegsseddel.dk takusinnaavat.

Paasissutissap imai:

1. Sunniutaat atorneqarfissaallu
2. Atulersinnagit ilisimasassat
3. Atorneqarnissaat
4. Kingunerluutit
5. Sumiitinnissaat
6. Imartussusaat paasissutissallu allat

1.SUNNIUTAAT ATORNEQARFISSAALLU

Nicorette pujortarunnaarnermi nikotin-igulernissamut pujortarusulernissamut pinngitsuuisinnaajunnaarnerullu kingunerluutitaanut iluaqutaavoq. Nicorettepu akua nikotin tamuanerani aniatinneqartoq tupatortarsimasavit nikotin-itaatut annertutigaaq. Nakorsaat tupatortunut 15-ileerersimasunut naatsorsuussaavoq

Nicorette atorsinnaavat:

- Tupatorunnaarniaruit
- Tupatorunnaarallarniaruit
- Tupatukkatit annikillisinniarukkit

Ajorneruleruit pitsaanerulinnikkuilluunniit nakorsaq attavigiuk. Nakorsap allamut iluaqtissatut innersuuppagu tamatigut nakorsap innersuussutaa maleruassavat.

2. NICORETTE TAMUASASSAT ATULERSINNAGIT ILISIMASASSAT

Nakorsap paasissutissiissummi matumani allasimasumit allaanerumut atugassiissutigisimasinnaavai allamilluunniit annertussuilersimasinnaallugit. Nakorsap peqqussutaa tamatigut malissavat.

Nicoretitussanngilatit:

- Nikotin akuisaluunniit ilaat alla saperukku (imm. 6-imi taaneqartut)

Mianersoqqussutit

Nicorette tamuasarissat atornialersinnagit nakorsaq, nakorsaatilerisoq peqqinnissakkulluunniit sullissisoq alla attavigiuk

nakorsarlu oqaluuguk:

- Tupatoruuguit uummalluttuullutillu/aap ingerlaarnera akornuteqarpat. Siunnersorneqarnikkut tupatorunnaartariaqarputit. Tamanna iluatsinngippat nakorsaq oqaluuguk.
- Aappit taqqanut naqitsinera navianaatilimmik qaffasippat, sakissakkut anniaruit uummallukkuilluunniit.
- Qaratsavit taqai qerattarsimappata, aanaartoorsimaguit, milittoorsimaguilluunniit.
- Uummatinnut ungasissumi taqqannik milittoorsimaguit.
- Qanittukkut uummativit taqai taarsertissimagukkit-, neruttorsartissimagukkit allamilluunniit uummatikkut suliaritissimaguit.
- Sukkortuuguit. Tupatorunnaarniarninnut atatillugu Insulin-imik iisartakkanilluunniit atuinerit annikillissittariaqsinnaavat. Aappit akuata sukkip annertussusaata nikerarpallaarneragut inuunilulersinnaaneq pinngitsoormiarlugu aappit sukkoqarnerata misissortarmissaa eqqaamassavat.
- Toqqusaani qinersip aammut aniatitaata hormon-ip annertuallaarnera pissutigalugu timip sulinerata sukkavallaarnera nakorsarneqanngippat.
- Tartup uiguata patiani tinusumik naasoqarsimaguit (fæokromocytom)
- Tingulluuteqaruit
- Peruluutigisannik tartuluuteqaruit
- Aqajaqqukkut aqajaqqullu inalukkanut ikaarsaarfiagut ikeqaruit.
- Kigutaasaqaruit. Tamuaaq kigutaasanut nippussinnaavoq qaqutiguugaluarlu kigutaasanik ajoquusiinnaalluni.

Maluginiagassatit

- Nikotin inersimasup pujortartarup sapinngisaa meeqqanut mikisunut toqussutaasinnaavoq. Taamaammat nikotin-it tamuasassat meeqqat inorsillugit inaalissavatit tamuariikkatillu meeqqanit tiguneqarsinnaajunnaarlugit igissavatit. Nicoretinik atuinerit inassuteqaataasumit sivisunerusariaqsinnaavoq. Sivisuumik Nicoretitorneq pujortaqqilernerminngaanniit ulorianannginneruvoq. Nicorettip akuata tassatuaavoq nikotin; tupali nikotinip saniatigut, ulorianaatilinnik najuussorneqarnermikkut puannut isaasunik allarpassuarnik- ass. usserummik kuliltimillu akoqarpoq.
- Nikotinip iineragut qanikkut, iggissakkut aqajaqqukkulluunniit aseruuttoornermut ersiutit ajornerulersinnaapput

Meeqqat inuusuttuaqqallu

Meeqqat 15-it inorlugit ukiullit Nicoretinik atuisariaqanngillat.

Nikotin-ip inersimasup tupatorutap sapinngisaata meeqqat mikisut toqussutigisinnaasaannik toqunartunititsisinnaanera eqqaamajuk.

Nicorette tamuasassat nakorsaatitukkanut allanut akuliullugit

Nakorsaatinik allanik atuiguit qanittukkulluunniit atuisimaguit -, nammineq pisiarisinnaasannik-, nunami allami pisianik-, nunap pissarititaanik nakorsaasianik-, vitamin-inik sakkortuunik-, mineralinik nerisanullu tapiliuttakkanik - tamatigut nakorsamut nakorsaatilerisumulluunniit oqaatigisakkut.

Nakorsaq oqaloqatigeqqaassavat nappaatinut makkununga nakorsaatitoruit :

- Astma, tupatornikkut anigugassaannigsumik pualluuteqalersimaneq/KOL (ass. theophyllin)
- Tarnikkut nappaat skitzofreni allalluunniit (ass. clozapin; olanzapin)
- Sajuttunngorneq/parkinsonisme, nissut qilusooqqajaasarnerat(ass. ropinirol)
- Uummatip akuttoqatigiinngitsumik tillerenera (ass. flecainid)
- Nikallunganeq(ass. imipramin, clomipramin, fluvoxamin)

Nakorsaatip sakkortussusaata allannortittariaqsinnaanera pissutigalugu nakorsaq attavigiuk.

Nicorettip nakorsaatit allat sunniutaat allannortillugit sunniivigisinnaavai, taamatuttaaq nakorsaatit allat Nicorettip sunniutaa allannortissinnaavaat.

Nicorettip tamuasassap nerisanut/imikkanut akuliullugu atornissaa.

Imigaqarnani Nicorette tamuallugu sunniulluarnerusarpoq.

Naartunermi milutitsinermi naartusinnaanermilu

Naartuguit milutitsiguiluunniit, naartusoriguit imal. naartulersaaruit, nakorsaammik atuilersinnak nakorsaq nakorsaatilerisorluunniit isumasioqqaassavat. Tupa naartorisannut/ inoorlaamut ulorianaateqarmat naartulersimaguit pujortarunnaassaaitit.

Naartunermi

Naartuguit Nicorette atornialersinnagu nakorsaq peqqinnisamilluunniit sullissisoq alla siunersioruk. Tupatortuullutit naartuleruit nalinginnaasumik atortulersornak pujortarunnaassaaitit. Nicorette assigisaaluunniit atornagit pujortarunnaarsinnaanngikkuit pujortaannarnermiit Nicorettimik assigisaanilluunniit atuineq ulorianannginneruvoq. Nikotin naartorisap uummataanut innoorlaallu anersaartorneranut sunniuteqarmat nakorsaq oqaluutissavat.

Nikotin påvirker fosterets hjerte og det nyfødte bams åndedræt. Tal med lægen.

Milutitsinermi

Nakorsaat anaanap immuanut akuliuttarmat, milutitsiguit nakorsaq peqqinnissakkulluunniit sullissisoq alla isumaqatigalugu Nicorette aatsaat atussavat. Nicorette atorukku milutitsiseqammerninni milutitsinissalluunniitimal kingusinnerpaamik nal. ak. marlunnik sioqqullugu tamuasassavat. Taamaasillutit meeqqat nikotinimik annikinnerpaamik suniivigissavat.

Angallanermi suliffimmilu isumannaallisaaneq

Nicorette angallattunut akuunermut suliffimmilu isumannaatsumik sulinissamut ajoqutaanngilaq

Nicorette tamuasassaq butylhydroxytoluen-imik akoqarpoq

Nicorette tamuasassap akua butylhydroxytoluen (E321) ameraasap ilaanik aniorneqalersitsisinnaavoq aappillersinnaavoq/qasillersinnaavoq.

Nicorette Freshmint, Nicorette Fruitmint, Nicorette Whitemint tamuasassat xylytol-imik akoqarput. Ullormut xylytol 10 gram sinnertarukku – tassalu tamuasarissat 16-it tamuasarukkit anarsaatitut sunniussinnaapput. Tamuasarissap ataatsip kaloriaqassusaa: 5,8-6,1 KJ (1,4-1,6 kcal)

Nicorette Classic tamuasarissat sorbitol-imik akoqarput. Nakorsap sukut arlaannik sapigaqarninnik oqaluttuussimappatit nakorsaat taanna atulersinnagu nakorsaq attavigiuk.

Tamuasarissap ataatsip kaloriaqassusaa: 1,9-2,0 (0,5 kcal).

3. ATORNEQARNISSAAT

Pujortarunnaarniarneq ajornannginnerussappat Nicorette atuinissat pillugu siunnersorneqarnissat noqqaassutigisavat. Nicorette tamuasassat nakorsap nakorsaatilerisulluunniit innersuussutaat maleqqissaarlugit atortassavatit. Nalorniguit nakorsaq nakorsaatilerisorluunniit aperiuk.

Pujortarusuleruit Nicorette ataaseq tamuasassavat. Ullormut tamuasassat 24-it sinnissanngilatit. Sukkulluunniit pujortarusunneq takkuteriataarsinnaammat Nicorette nassatariuaannassavatit.

Nicorette tamuasassaq kisiat mattutissiartaaluunniit nikotinimik aniatitserusaartartoq aappiullugu atorsinnaavat.

Pinngitsuuisinnaajunnaarnerit qanoq annertutigisumik atuinissannut apeqqutaassaaq. Qanoq siviutugisumik Nicorette atuinissami atuisoq apeqqutaasarpog. Nalinginnaasumik qaammatit aqqaneq marluk sinnerlugit atugassaanngillat; pujortaqqilinninnissarli anguniarlugu siviunerusumik atuisariaqartoqarsinnaammat, nakorsaq peqqinnissamilluunniit sullissisoq alla tamanna pillugu oqaloqatigineqassaaq.

Nicorette tamuasassanik atuinissamut ilitsersuut:

Mamaata sakkortusinissaata tungaanut kigaatsumik 10-15-eriarlugu tamuaajak. Mamaa sakkortusippat nikotinita a anillassimassaaq. Nikotin qarnup ameraasaagut timinut sunniuttarpoq; tamuaat oqqavit ataanut ersavilluunniit nalaanut pisillugu mamaata aanngarnissaata tungaanut nikotin sunniussiijuk. Tamuaappit nikotin-itaata suujunnaarnissaata tungaanut taamaaliornerit nangeqattaaruk.

Nicorette nalinginnaasumik minutsit 30-it missaanni tamuaerlugu nikotinita nunguttarpoq.

Annertussusiliisarneq nalinginnaasoq:

Inersimasunut pujortarunnaarniartunut:

Nicoretitorneq aallartitsinnagu pujortarunnaareersimassaait.

Pujortaguleruit tyggegummi ataaseq tamuasavat

- Cigaretit ullormut 20-it inorlugit pujortartarukkit Nicorette tamuasassaqaq ataaseq nikotinimik 2 mg-imik akulik tamuasassavat.
- Cigaretit ullormut 20-it sinnerlugit pujortartarukkit imal. Nicorette 2 mg pujortarunnaarutiginnikkukku Nicorette 4 mg tamuasassavat.
- Nicorettenik naammattunik tamuasassaait ullormut arfineq pingasuniit aqqaneq marluk missaannut amerlassusillit tamuasarnissaat naammattarpoq.
- Ullormut tamuasassat 24-it sinnissanngilatit
- Nicorette sivikinnerpaamik qaammatini pingasuni atoqqaarlugu atuinertit annikillisikkiartuaarsinnaavat.
- Ullormut ataaseq marlulluunniit atugarilerukkit Nicoretitornerit unitsissavat. Tamanna qaammatit arfinillit qaangiunneranni pigajuttarpoq.

Tupatornikillineq tupatorunnaarallernerluunniit

- Piffissaq tupatorfiunngitsoq sapinngisaq tamaat sivitsorniarlugu Nicorette tamuasassat pujortarusulerninni atussavatit. Taamaaliornikkut tupatukkatit ikilississavatit.
- Nicorette tamuasassat tupatunngiffinni imal. tupatornaveersaarniaruit ass. sumiiffinni pujortarfioqquusaanngitsuni atorsinnaavatit
- Tamuasassat nammattut atussavatit.
- Nalinginnaasumik nal. ak. 24-it ingerlaneranni tamuasassat 24-it sinnissanngilatit.
- Piareerniaruit qaammatilli arfinillit qaangiutsinnagit tupatorunnaarneq misilissavat.

Ilinniagalinnit siunnersorneqarnissaq noqqaassutigissavat:

- Qaammatit arfinillit qaangiunneranni ullormut tupatornerit annikillisissimannikkukku
- Qaammatit qulaaluaat atoreerlugit ilungersorlutit tupatorunnaarniarsimannikkuit

Mattut nikotinimik aniatitsisoq Nicorettilu 2 mg atorlugit pujortarunnaarneq

Mattut nikotinimik siviisuumik aniatitserusaartartoq Nicorettilu 2 mg ataatsikkut atorsinnaavatit:

- Nicorette tamuasassaqaq pujortarunnaarutigisinnaanngikkukku
- Qanikkut iggissakkullu qasisilisitsinikkut ippioinnikkulluunniit ullormut Nicorettilu tamuasartakkatit ikilissinniarukkit.

Nicorettilu tamuasassat aallartitsinnagit pujortarunnaareersimassaait. Nicorettilu mattutissianik atuilersinnak paasisutissiissut nakorsaait puuannut ilanngussaq atuaruk. Nicorette mattummi nikotinimik aniatitsisoq aminnut ipiilluni, panerluni ikeqaranilu meqoqanngitsumut (ass. siffissannut imal. assaqqunnut) ullaakkut nipitiguk unnukkullu innaleruit peerlugu. Ullut tamaasa mattuserfik ataasiinnaatinnagu ass. assaqqut illuaniit illuanut nuuttarlugu mattuserfitit nikerartikkut.

Nakorsartinneq

Sapaatip akunneri siullit arfinilinniit aqqaneq marluk ingerlaneranni atussavatit:

- Mattut 15 mg-imik nikotinimik aniatitsisoq ullormut nal. ak. 16-it
- Nicorette tamuasassat 2 mg-imik nikotinimik pisariaqartitsineq naapertorlugu (nalinginnaasumik ullormut tallimat-arfinillit).
- Ullormut Nicorette tamuasassat 24-it sinnissanngilatit.

Atuinikilliartuaarneq

Sapaatip akunnerisa arfinilinniit aqqaneq marluk qaangiunneranni periutsit uku marluk arlaat atorlugu atuinertit annikillisikkiartuaassavat:

1. Nikotinip mattummit aniatitap annikillisinneragut:

- Siullermik sapaatip akunneri arfinilinniit aqqaneq marluk siullit pisarnittut mattut Nicorette 15 mg/ullormut nal. ak. 16-it Nicorettilu tamuasassaqaq 2 mg pisariaqartitsininni, sapaatip akunneri pingasut arfinillilu akornanni atussavatit.
- Sapaatip akunneri pingasuniit arfinillit qaangiuppata sapaatip akunneri arfinilinniit aqqaneq marluk siullit pisarnittut mattut Nicorette 10 mg/ullormut nal. ak. 16-it atugassanik Nicorettilu pisariaqartitsininni tamuasassamik 2 mg-imik taarsissavatit
- Naggataatigut mattut atorunnaassavatit Nicorettilu 2 mg-it tamuasartakkatit ikilissillugit.
- Nicorette tamuasassat siviisunerpaamik qaammatini aqqaneq marlunni atorsinnaavatit

imal.

2. Nicorette mattutit 25 mg/ullormut nal. ak. 16-it atortakkatit unitsillugit Nicoretillu tamuasassat 2 mg-it qaammatit aqqaneq marluk ingerlaneranni ikilisillugit imal. atorfissaarukkukit unitsillugit.

Utoqqaat:

Utoqqarni nakorsaatip annertussusaa allannortittariaqanngilaq

Meeqqat inuusuttuaqqallu:

Meeqqat 15-it inorlugit ukiullit Nicoretitussanngillat.

Nikotin inersimasup tupartortup sapinngisaa meeqqat mikisut toqputigisinnaasaannik toqunartunitoorutaasinnaasoq eqqaamajuk.

Tartut tinguullu sulilluarunnaarsimaneranni:

Nakorsap innersuussutaa malillugu atuineq annikillisittariaqarpoq.

Nicorette tamuasarissat ingasaassimagukkit:

Nicorette tygegummit tamuasassat paasisutissiissut una nakorsalluunniit innersuussinera naapertorlugu ingasaattoorsimagukkit inuumarluttutullu misigisimaguit, tygegummitukkavit puua nassarlugu nakorsaq, ajoqusersimasunut nakorsiarfik nakorsaatilerisorluunniit attavigiuk.

Nicorette tamuasarissat ingasaassimagukkit:

Pujortarunnaarniutitigut aamma/imal. tupatornikkut nikotin ingasaassimagukku tamatumunnga makku ersiutaasinnaapput: meriannuneq, nuakooneq, naakkut ippiuteqarneq, timminneq, aallerneq, niaqorlunneq, uissannguneq, tusaasat allannuuteqarnerat nukillaanganerlu. Annertuumik ingasaassinikkut makku ersiutaasinnaapput: aap taqqanut naqitsinerata apparneragut uissaarluni uppinneq, tillerit sakkukillillutik akuttoqatigiigunnaanerat, tillerit akulikillerujussuarnerat, anernikilliorneq noqarnerlu.

Taama ersiuteqaleruit nakorsaq ajoqusersimasunulluunniit nakorsiarfik attavigiuk ambulancimulluunniit sianerit.

Nicorette tamuasassaq tamuanegartinnani nikotinimik aniatitsinera killeqarmat, iisoorneragut toqunartunittoorsinnaaneq annikitsuinnaavoq.

Inersimasup tupartortup nikotin sapinngisaa meeqqamit toqussutigineqarsinnaanera eqqaamajuk.

Nicorette puigorsimagukku

Nicoretitornissat puigorsimagukku tullianik pujortaguleruit ataasiinnarmik nicoretitussaait. Puigukat ilanngullugu marloriaammik Nicoretitussanngilatit.

Nicoretitorneq taamaatikku

Nicoretitornerit taamaatitsinnagu atinerit annikillisikkiartuaaqaassavat. Taamaasiunngikkuit tupatoqqikkusulernissat annertunerussaaq.

Nalornissuteqaruit nakorsaq, nakorsaatilerisoq peqqinnissakkulluunniit sullissisoq alla aperiuk.

4. KINGUNERLUUTIT

Nicorette nakorsaatitut allatulli kingunerluuteqarpoq inuilli tamarmik kingunerluuteqartitsisannngillat. Kingunerluutit qanoq annertutigisumik atuininnik aallaaveqarput tupatormilu kingunerluutit assigalugit.

Sukkavallaamik tamugait toqqusaait ippigilersinnaavatit, uissanngulersinnaavutit iluaalliulersinnaallutit, niisoralersinnaallutit, pullangalersinnaallutit, naatit ippigilersinnaallugit, meriannulersinnaallutit meriarsinnaallutillu.

Nicorette tamuasassaq kigutaasanut nippussinnaavoq qaqutigullu kigutaasanik ajoqusiisinnaalluni.

Nicoretimik tamuasassamik kingunerluuteqartut amerlanersaasa kingunerluutaat sapaatip akunnerisa pingasut – sisamalluunniit ingerlaneranni malunniuttarput.

Kingunerluutit perulunnartut:

Nalinginnaanngitsut (nakorsartittut 1000-iuppata ataatsimiit qulit akornanniittunit misigineqartartut): anernikilliorneq / astmaqartut anernikilliuernerq. Ingerlaannaq nakorsamut attaveqarit. Pisariaqarpat ambulancimut sianerit.

Qaqtigoortut: inuit nakorsartittut 10.000-iuppata ataatsimiit qulinut amerlassusilinnit misigineqarsinnaasartut Tillerit akulikillinerat assullu akuttoqatigiigunnaarnerat. Nakorsaq ajoqusersimasunulluunniit nakorsiarfik attavigiguaruk. Pisariaqarpat ambulancimut sianerit.

Kingunerluutit akulikissusaat ilisimaneqanngitsut (qaqtigoortuugunartut):

Sapigaqarneq patsisaalluni aap ingerlaarnerata ajalusoornera. Tassanngaannaq ammikkut aniorninneeq, anerikilliuernerq iluaallernerlu (minuttit nal. akunnerisalu ingerlaneranni) inuunermut navianaateqarsinnaammat ambulancimut sianerit.

Kingunerluutit ulorianaateqanngitsut:

Nalinginnaanerpaat (nakorsartittut quliuppata ataatsimit misigineqarsinnaasartut):

Niaqorlunneq, merianneguneeq, nerisat arrioriartornerisa akornuteqarnera, niisorarneq, toqqusaakkut ippiorneq, quersorneq.

Kingunerluutit Nalinginnaat (nakorsartittut untritiliuppata ataatsimiit qulit missaanit misigineqarsinnaasartut):

Sapigaqarnermut ersiuteqarneq, ammip kissartutut misinnarnera kakikkaalunnera imal. malugisaarunnera, mamassutsimik malussarsinnaassutsip akornuteqalnera, naarlunneq, meriarneq, nuakoornerulerneq, qanikkut aseruuttoorneq, seernaliorpallaarneq, nillaaneq, timminneq, panertoorneq, qasoqqaneq.

Nalinginnaanngitsut (nakorsartittut 1000-iuppata ataatsimiit qulit missaanit misigineqarsinnaasartut):

Tillit akulikillinerat navianaateqarsinnaasoq. Tillitit akulikippallaalerpata akuttoqatigiigunnaarpata imal. inuumarliuleruit iluaalleruilluunniit nakorsaq ajoqusersimasunulluunniit nakorsiarfik attavigissavat. Pisariaqarpat ambulancimut sianerit.

Aap taqqanut naqitsinerata qaffapallaarnera. Nakorsaq oqaluuguk. Aap taqqanut naqitsinerata qaffannerat nakorsarneqassaaq. Aap taqqanut naqitsinerata qaffapallaarnera navianarpoq.

Uummammik tillerulutitsineq, talebesvaer, spaending i halsen, tangajortorneq, sorlunnikm milinngatitsineq, ammip aappillernerat, sapigaqarnekkut qattusuunik aniorneqalerneq (nældefeber), kiakkerujussuarneq, ungillinerneq, nissaaqattaarneq, ammip utilernerat, qanikkut qaaneeqalerneq,

Qarnup kissatinnera, kakikkaalunnera malugisaarunneraluunniit, oqqakkut aseruuttoorneq, nukit tamorrasit annernarnerat, nukillaanganeq sanngiillineq qasoqqanerlu, sakissakkut anniarneq ippiornerlu. Pissusissamisunngitsunik sinnattorneq (unnuap ingerlanerani oqaatigineqartutiguinnaq suussuseersineqartut).

Kingunerluutit qaqtigoortut (nakorsaammik atuisut 10.000-iuppata ataatsip qulillu akornanniittunit misigineqarsinnaasartut):

Sapigaqarnermut ersiuteqarneq ilaatigut aniorninneeq pullannerlu. Ulorianaateqarsinnaammat nakorsaq oqaluuguk. Kiinaq, sigguit oqarlu pullalerpata inuunermut navianaateqarsinnaammat ambulancimut sianerit.

Iisiniarnerup ajornartorsiutaanera, attorneqarluni malugisaqarluarsinnaannginneq, merianneguneeq.

Kingunerluutit akulikissusaat ilisimaneqanngitsut (qaqtigoortuugunartut)

Isigisat isortinnerat, qullikuulerneq, panertoorneq, sigguit annernarsinerat, naakkut iluaalliorneq, aniorninneeq, ammip aappillernerat, nukit sukaternerat.

Maluginiagassat

Tupatorunnaarninni ilaatigut uissannguneeq, niaqorlunneq sinissaaleqineq kingunerluutigisinnaavatit. Qanikkut aamma qaaneeqalersinnaavutit.

Kingunerluutit naluaraatiginninneq

Kingunerluutit ippiuutaappat ajorsippalluunniit imal. matumani taaneqanngitsumik kingunerluuteqalissaguit, nakorsaq, peqqissaasoq nakorsaatilerisorluunniit oqaloqatigisariaqarpat. Illit ilaqtavilluunniit kingunerluutit toqqaannartumik ataani paasissutissat aqqutigalugit Lægemedelstyrelsimut nalunaarutigisinnaavasi:

Lægemedelstyrelsen,

Axel Heides Gade 1, 2300 København S

Nittartagaq: www.meldenbivirkning.dk

E-mail: dkma@dkma.dk

Kingunerluutit naluaraateqarnekkut nakorsaatip isumannaatsuunissaanut paasissutissanik pissarsinissamut ikiuutissaatit.

5. SUMIITINNISSAAT

Meeqqat inorsillugit inissinneqassapput.

Nicoretit tamuariikkat meeqqanit tiguneqarsinnaajunnaarlugit iginneqassapput.

Nicorette Classic:

Nalinginnaasumik illup iluaniitissinnaavatit.

Nicorette Freshmint, Nicorette Fruitmint:

Taakku 25 grad-init kiannerusumiitinneqassanngillat qaamanermullu illersugassaammata puuminniitinneqassallutik.

Nicorette Whitemint:

Taakku nalinginnaasumik illup iluaniitissinnaavatit qaamanermullu illersugassaanerat pissutigalugu puuminniitinneqassapput.

Atorneqarfissaanut killiliussaq puuani allassimasoq qaammat naareersimappat Nicorette atorneqassanngilaq.

Nakorsaatitukkavit sinnerisa qanoq pinissaat pillugu nakorsaatilerisoq aperiuk. Avatangiisit illersorniarlugit nakorsaatit sinnerinik kuuffimmut, anartarfimmut eqqaavimmulluunniit igitseqinak.

Pujortagunneq tassanngaannaq takkuteriataarsinnaasarmat Nicoretinik tamuasassanik sinnerutsitannik pissamaateqassaatit.

6. IMARTUSSUSAAT PAASISSUTISSALLU ALLAT

Nicorette makkunanga akoqarpoq:

Nakorsaatitaa: nikotin

Nicorette tyggegummisut tamuasassaq ataaseq 20 %-imik nicotin-resin kompleks-imik nikotin-ip 2 mg-ip 4 mg-illuunniit nalinganik akoqarpoq.

Nicorette Classic:

2 mg:

Tyggegummiliassaq (betylhydroxytoluen; BHT; E 321), natriumhydrogencarbonat (E500), natriumcarbonat (E500), sorbitol (E420), glycerol (E422), haverstroo ZD 49284, flavour for smoke 84.6422.

4 mg:

Tyggegummiliassaq (betylhydroxytoluen; BHT; E 321), natriumcarbonat (E500), sorbitol (E420), glycerol (E422), quinolingult (E104) haverstroo ZD 49284, flavour for smoke 84.6422.

Nicorette Freshmint 2 mg:

Tyggegummiliassaq (butylhydroxytoluen; BHT; E321), xylitol (E967), pebermynteolie, vandfri natriumcarbonat (E500), natriumhydrogencarbonat (E500), acesulfamkalium (E950), levomenthol, let magnesiumoxid (E530), akaciegummi (E414), titandioxid (E171), carnaubavoks (E903).

4 mg:

Tyggegummiliassaq (butylhydroxytoluen; BHT; E321), xylitol (E967), pebermynteolie, vandfri natriumcarbonat (E500), acesulfamkalium (E950), levomenthol, let magnesiumoxid (E530), akaciegummi (E414), titandioxid (E171), carnaubavoks (E903), quinolingult (E104).

Nicorette Fruitmint:

2 mg:

Tyggegummiliassaq (butylhydroxytoluen; BHT; E321), xylitol (E967), pebermynteolie, vandfri natriumcarbonat (E500), natriumhydrogencarbonat (E500), acesulfamkalium (E950), levomenthol, let magnesiumoxid (E530), akaciegummi (E414), titandioxid (E171), carnaubavoks (E903), TuttiFrutti QL84441, hypromellose, sucralose (E955), polysorbat 80.

4 mg:

Tyggegummiliassaq (butylhydroxytoluen; BHT; E321), xylitol (E967), pebermynteolie, vandfri natriumcarbonat (E500), acesulfamkalium (E950), levomenthol, let magnesiumoxid (E530), akaciegummi (E414), titandioxid (E171), carnaubavoks (E903), quinolingult (E104), TuttiFrutti QL84441, hypromellose, sucralose (E955), polysorbat 80.

Nicorette Whitemint:

2 mg:

Tyggegummiliassaq (butylhydroxytoluen; BHT; E321), xylitol (E967), pebermynteolie, vandfri natriumcarbonat (E500), natriumhydrogencarbonat (E500), acesulfamkalium (E950), levomenthol, let magnesiumoxid (E530), hypromellose, pregelatineret stivelse, titandioxid (E171), Wintherfresh, sucralose (E955), carnaubavoks (E903), polysorbat 80.

4 mg:

Tyggegummiliassaq (butylhydroxytoluen; BHT; E321), xylitol (E967), pebermynteolie, vandfri natriumcarbonat (E500), acesulfamkalium (E950), levomenthol, let magnesiumoxid (E530), hypromellose, pregelatineret stivelse, titandioxid (E171), Wintherfresh, sucralose (E955), carnaubavoks (E903), quinolingult (E104), polysorbat 80.

Nicorette tamuasassat isikkui poortallu imartussusaat

Nicoretit tamuasassat toorlugit anillatsittakkanut poortugaapput

Nicoretit tamuasassat 2 mg-imik sakkortussusillit issoqqaarissuullutik qaqortuupput (Fruitmint, Freshmint, Whitemint) qasertuullutilluunniit (Classic)

Nicorette tamuasassat 4 mg-imik sakkortussusillit issoqqaarissuullutik cremetut qaamasutut qalipaateqarput (Fruitmint, Freshmint, Whitemint) sungaarujuttuullutilluunniit (Classic)

Nicorette Fruitmint, Freshmint, Whitemint tamuasassat qalligaapput aqitsuullutillu.

Nicorette Classic -it qalligaanatik manngernerupput.

Nicorette tamuasassat ima amerlassusillit pineqarsinnaapput:

2mg: 30-it, 105-it 210-illu

4 mg: 30-it, 105-it 210-illu

Annertussusilli tamakkerlutik pissarsiassaanersut apequtaassaaq.

Tunisassiortoq nioquteqarnissamullu akuersissutilik

Nioquteqarnissamut akuersissutilik:

McNeil Denmark ApS, Bregnerødvej 133, 3460 Birkerød.

Tunisassiortoq:

McNeil AB, Norrebroplatsen 2, Helsingborg, Sverige.

Apequtissaqaruit attavigisinnaavatsigut.

Paasissutissiissut kingullermik nutarterneqarpoq juuli qaammat 2016